

Sambut merdeka secara tertutup

SEREMBAN - Sambutan Hari Kebangsaan Ke-63 Peringkat Negeri Sembilan berlangsung hanya 20 minit kerana mematuhi prosedur operasi standard (SOP) dalam menangani penularan pandemik Covid-19.

Menurut Menteri Besar, Datuk Seri Aminuddin Harun, acara berlangsung ringkas dan sederhana memandangkan negara masih dalam Perintah Kawalan Pergerakan Pemulihan (PKPP).

"Selesai dalam tempoh singkat, itulah amalan kita untuk memastikan SOP dipatuhi dan Alhamdulillah kita juga memang mengehadkan kehadiran di samping kita buat majlis ini secara tertutup."

"Di Negeri Sembilan merupakan hari ketiga diisytihar hijau daripada Covid-19 dan saya ucapkan tahniah sempena kemerdekaan ini kerana kita berjaya mengawal Covid-19 pada tahap hari ini (semalam)," katanya.

Beliau berkata demikian ketika ditemui media selepas majlis itu di Padang Majlis Bandaraya Seremban di sini semalam.

Sambutan bermula pukul 8.40 pagi itu hanya membabitkan orang kenamaan, pemimpin negeri dan ketua jabatan serta petugas barisan hadapan.

Majlis bermula sebaik sahaja keberangkatan tiba Yang di-Pertuan Besar Negeri Sembilan, Tuanku Muhriz Ibni Almarhum Tuanku Munawir serta Tuanku Ampuan Besar Negeri Sembilan,



TUANKU MUHRIZ memberi tabik hormat ketika perbarisan Sambutan Hari Kebangsaan ke-63 peringkat Negeri Sembilan di Padang Majlis Bandaraya Seremban semalam.

lan, Tuanku Aishah Rohani Almarhum Tengku Besar Mahmud yang berkenan mencemar duli.

Selain itu, turut hadir, Datuk-datuk Undang Yang Empat, Tunku Besar Tampin dan Datuk Syahbandar Sungai Ujong.

Sambutan diteruskan dengan nyanyian lagu Kebesaran Negeri Sembilan diikuti upacara menaikkan Jalur Gemilang dengan irungan lagu Negaraku oleh pasukan Pancaragam Pusat Latihan Muzik Tentera Darat (Puzida) dan Pasukan Brass Band Wanita Rejimen Semboyan Diraja, Kem

Sungai Besi.

Majlis diikuti dengan bacaan doa yang dipimpin oleh Mufti Kerajaan Negeri Sembilan, Datuk Mohd. Yusof Ahmad.

Kemudiannya, Aminuddin mengetuai bacaan ikrar Rukun Negara yang turut disertai oleh Ahli-ahli Jawatankuasa kerajaan negeri, ahli-ahli Dewan Undangan Negeri dan ketua-ketua jabatan.

Sambutan kemudian tamat kira-kira pukul 9 pagi dengan keberangkatan pulang Tuanku Muhriz dan Tuanku Aishah Rohani.

Dalam Negeri

Babit orang kenamaan, pemimpin negeri, ketua jabatan

Sambutan ringkas, ikut SOP

Oleh **BADRUL HAFIZAN MAT ISA**
badrul.isa@mediamulia.com.my

SEREMBAN: Sambutan Hari Kebangsaan Ke-63 Peringkat Negeri Sembilan semalam berlangsung ringkas mengambil kira pemanfaatan prosedur operasi standard (SOP) dalam menangani penularan pandemik Covid-19 semasa Perintah Kawalan Pergerakan Pemulihan (PKPP).

Diadakan di Padang Majlis Bandaraya Seremban dekat sini, sambutan diadakan secara tertutup dengan hanya membabitkan orang kenamaan, pemimpin negeri dan ketua jabatan serta petugas barisan hadapan.

Sambutan bermula pukul 8.40 pagi dengan keberangkatan tiba Yang di-Pertuan Besar Negeri Sembilan, Tuanku Muhriz Tuanku Munawir serta Tuanku Ampuan Besar Negeri Sembilan, Tuanku Aishah Rohani Tengku Besar Mahmud diikuti pembesar-pembesar lain.

Sambutan diteruskan dengan nyanyian lagu Kebesaran Negeri Sembilan diikuti acara menaikkan Jalur Gemilang diiringi lagu Negaraku oleh pasukan Pancaragam Pusat Latihan Muzik Tentera Darat dan Pasukan Brass Band Wanita Rejimen Semboyen Diraja, Kem Sungai Besi.



AMINUDDIN Harun mengetuai bacaan ikrar Rukun Negara disertai barisan Exco, para ADUN dan ketua-ketua jabatan pada Sambutan Hari Kebangsaan Ke-63 Peringkat Negeri Sembilan di Padang Majlis Bandaraya Seremban, Negeri Sembilan, semalam. - UTUSAN/MUHAMMAD IZZAT TERMIZIE

Majlis seterusnya diikuti bacaan doa yang dipimpin oleh Mufti Kerajaan Negeri Sembilan, Datuk Mohd. Yusof Ahmad.

Menteri Besar Negeri Sembilan, Datuk Seri Aminuddin Harun kemudian mengetuai bacaan ikrar Rukun Negara yang turut disertai oleh barisan Exco kerajaan negeri, Ahli-ahli Dewan Undangan Negeri (ADUN)

dan ketua-ketua jabatan.

Sambutan kemudian tamat kira-kira pukul 9 pagi dengan keberangkatan pulang Tuanku Muhriz dan Tuanku Aishah Rohani.

Sementara itu, Aminuddin menjelaskan, majlis serba ringkas dan sederhana itu dilakukan bagi mematuhi SOP ditetapkan dan beliau berharap sempena sambutan Hari Kebangsaan Ke-

63, rakyat dapat terus menguatkan semangat untuk menghadapi pandemik Covid-19.

"Alhamdulillah, sambutan selesai dalam tempoh singkat. Kita memang mengehadkan kehadiran di samping program walaupun berlangsung di tempat biasa (Padang Majlis Bandaraya Seremban) tetapi kali ini diadakan tertutup," katanya.



Sambut merdeka secara normal baharu tetap meriah

Sambutan Hari Kebangsaan ke-63 Peringkat Negeri Sembilan secara tertutup dengan dihadiri 250 orang yang terdiri daripada jemputan khas

Oleh SARINAH MAT KASIM

SEREMBAN



Aminuddin melakukan pemeriksaan suhu sebelum menyertai barisan tetamu bagi mematuhi SOP yang ditetapkan.



Tuanku Muhriz turut berkenan mencemar duli ke Majlis Sambutan Hari Kebangsaan ke-63 Peringkat Negeri Sembilan yang disertai 250 tetamu semalam.

Negei Sembilan menyambut Hari Kebangsaan dengan suasana berbeza kali ini apabila ia dilakukan secara tertutup di pekarangan Dataran Majlis Bandaraya Seremban semalam berikutan negara masih lagi berdepan dengan pandemik koronavirus (Covid-19).

Bagaimanapun, Sambutan Hari Kebangsaan ke-63 Peringkat Negeri Sembilan tetap meriah walaupun disambut secara sederhana.

Yang di-Pertuan Besar Negeri Sembilan, Tuanku Muhriz Ibni Almarhum Tuanku Munawir serta Tuanku Ampuan Besar Negeri Sembilan, Tuanku Aishah Rohani Almarhum Tengku Besar Mahmud serta dua putera baginda, Tunku Besar Seri Menanti Tunku Ali Redhauddin dan Tunku Zain Al-'Abidin turut berangkat mencemar duli pada majlis berkenaan.

Keberangkatan tiba baginda berdua pada jam 8.40 pagi disambut Menteri Besar, Datuk Seri Aminuddin Harun serta Setiausaha Kerajaan Negeri, Datuk Dr Razali Ab Malik.

Majlis ringkas itu disertai 250 te-

tamu terdiri daripada jemputan khas membabitkan orang kenamaan, pemimpin parti dan setempat.

Hadir sama, Undang Yang Empat dan Tunku Besar Tampin Tunku Syed Razman Tunku Syed Idrus Al-Qadri.

Majlis diadakan mengikut prosedur operasi standard (SOP) ditetapkan dengan pemeriksaan suhu dilakukan sebelum menyertai barisan tetamu.

Majlis dimulakan dengan nyanyian lagu kebesaran Negeri Sembilan serta upacara menaikkan Jalur Gemilang dengan irungan lagu Negaraku dan diikuti bacaan doa oleh Mufti Negeri Sembilan, Datuk Mohd Yusof Ahmad.

Kemudian, disusuli bacaan ikrar Rukun Negara dipimpin oleh Aminuddin bersama 120 pembaca ikrar daripada barisan exco kerajaan negeri, ketua-ketua jabatan dan wakil petugas barisan hadapan.

Sementara itu, Aminuddin berharap Negeri Sembilan terus kekal sebagai zon hijau Covid-19 dan semua rakyat



Antara barisan Ahli Dewan Undangan Negeri yang terlibat pada majlis Sambutan Hari Kebangsaan ke-63 Peringkat Negeri Sembilan di Dataran Majlis Bandaraya Seremban semalam.

mengambil semangat Hari Kebangsaan untuk memerangi pandemik Covid-19 dengan mematuhi SOP ditetapkan.

"Sempena kemerdekaan ini, mari-

lah kita bersama-sama berdoa dan kuatkan semangat dalam menghadapi Covid-19 dan berharap Negeri Sembilan menjadi negeri terawal bebas dari Covid-19," katanya.

Aminuddin (kiri) bergambar bersama sebahagian anggota barisan hadapan yang turut serta pada majlis Sambutan Hari Kebangsaan ke-63 Peringkat Negeri Sembilan semalam.

Aminuddin mengetuai bacaan ikrar Rukun Negara pada majlis Sambutan Hari Kebangsaan ke-63 Peringkat Negeri Sembilan semalam.

